



**სსიპ - დავით აღმაშენებლის სახელობის საქართველოს ეროვნული თავდაცვის
აკადემიის სასწავლო პროცესის მარეგულირებელი წესი
(უმაღლესი აკადემიური განათლება)**

მუხლი 1. წესის სამართლებრივი საფუძველი და რეგულირების სფერო

1. წინამდებარე წესი შემუშავებულია უმაღლესი განათლების შესახებ საქართველოს კანონის, „სამხედრო ვალდებულებისა და სამხედრო სამსახურის შესახებ“ საქართველოს კანონის და სხვა საკანონმდებლო და კანონქვემდებარე ნორმატიული აქტების, საქართველოში მოქმედი და საერთაშორისო სტანდარტების, სსიპ - დავით აღმაშენებლის სახელობის საქართველოს ეროვნული თავდაცვის აკადემიის (შემდგომში - აკადემია) წესდების საფუძველზე;
2. წინამდებარე წესი არეგულირებს აკადემიაში საგანმანათლებლო პროგრამების განხორციელებასთან და სასწავლო პროცესის წარმართვასთან, იუნკერის სტატუსის მოპოვებასთან, შეჩერებასთან, აღდგენასთან, შეწყვეტასთან, მობილობასთან, განათლების აღიარებასთან, სასწავლო პროცესის ორგანიზებასა და მართვასთან დაკავშირებულ და სხვა საკითხებს;
3. ყველა საკითხი, რომელიც არ არის გათვალისწინებული წინამდებარე წესში, ან აკადემიის სხვა რეგულაციებში, გადაწყდება საქართველოს მოქმედი კანონმდებლობის საფუძველზე;
4. აკადემიაში სასწავლო პროცესის ორგანიზებას ახორციელებენ სასწავლო დანესებულებების სასწავლო სამმართველო, აკადემიის სკოლები და ხარისხის უზრუნველყოფის სამსახური;
5. სწავლება და იუნკერთა მიღწევების შეფასება ხორციელდება სკოლი(ებ)ის საბჭოს და საქართველოს შეიარაღებული ძალების გენერალური შტაბის J-7 სამხედრო განათლების და საბრძოლო მომზადების დეპარტამენტის მიერ განხილული, ხარისხის უზრუნველყოფის სამსახურთან შეთანხმებული და აკადემიური საბჭოს მიერ დამტკიცებული აკადემიის საგანმანათლებლო პროგრამების და მათში შემავალი სასწავლო კურსების პროგრამების (სილაბუსების) მკაცრი დაცვით;
6. ხარისხის უზრუნველყოფის სამსახური, სასწავლო დანესებულებების სასწავლო სამმართველოსთან ერთად ვალდებულია აწარმოოს სასწავლო პროცესისა და იუნკერთა მიღწევების შეფასების პროცესის მუდმივი მონიტორინგი.

მუხლი 2. საგანმანათლებლო პროგრამების სახეები

1. აკადემია ახორციელებს უმაღლესი აკადემიური განათლების I და II საფეხურის (ბაკალავრიატი/მაგისტრატურა) საგანმანათლებლო პროგრამებს და აქვს სასწავლო უნივერსიტეტის სტატუსი;

2. აკადემია ახორციელებს ქართულ ენაში მომზადების საგანმანათლებლო პროგრამას სომხური, აზერბაიჯანულენოვანი, ოსური და აფხაზურენოვანი სტუდენტებისათვის.
3. საგანმანათლებლო პროგრამა დამთავრებულად ანუ იუნკერის მიერ ათვისებულად (მიღწეულად) ითვლება, თუ იუნკერი დააგროვებს საგანმანათლებლო პროგრამით გათვალისწინებული კრედიტების მინიმალურ რაოდენობას;
4. აკადემიური პროგრამის ყველა დონეზე ფასდება იუნკერის სწავლების შედეგები. დაგროვილი კრედიტების საფუძველზე განისაზღვრება შესაბამისი კვალიფიკაცია (ხარისხი), რაც დასტურდება აკადემიის მიერ გაცემული დოკუმენტით – დიპლომით დანართთან ერთად, რომელიც შეიცავს სრულ ინფორმაციას მელობელის მიერ განხორციელებული სწავლის ხარისხის დონის, შინაარსისა და სტატუსის შესახებ. საგანმანათლებლო პროგრამის დაძლევის შემდეგ გაიცემა შესაბამისი დიპლომი დანართით და იუნკერს ენიჭება შესაბამისი საგანმანათლებლო პროგრამით გათვალისწინებული კვალიფიკაცია;
5. სწავლების პროცესის საფუძველია საგანმანათლებლო პროგრამა, რომლის მართვა ხორციელდება დაგროვილი კრედიტებისა და შეფასების სისტემით;
6. აკადემიაში დანერგილია ევროპული კრედიტების ტრანსფერისა და დაგროვების სისტემა ECTS;
7. იუნკერის წლიური დატვირთვა შეადგენს მინიმუმ 60 კრედიტს, ანუ 1500 საათს, საიდანაც 1 კრედიტი უდრის 25 საათს და მოიცავს როგორც საკონტაქტო, ისე დამოუკიდებელ სამუშაო დროს. უმაღლესი საგანმანათლებლო პროგრამის ან/და იუნკერის ინდივიდუალური სასწავლო პროგრამის თავისებურებების გათვალისწინებით, დასაშვებია იუნკერის წლიური დატვირთვა აღემატებოდეს 60 კრედიტს ან იყოს 60 კრედიტზე ნაკლები, მაგრამ არაუმეტეს 75 კრედიტისა. კრედიტი გამოხატავს სტუდენტისათვის საჭირო სასწავლო დატვირთვას და რომლის მიღებაც შესაძლებელია სწავლის შედეგების მიღწევის შემდეგ; აკადემიური წელი არის სემესტრების ერთობლიობა და მათ შორის დასვენების პერიოდი, რაც არ აღემატება 12 უწყვეტ კალენდარულ თვეს.
8. აკადემიის საგანმანათლებლო პროგრამები შეესაბამება ბოლონიის პროცესისა და „უმაღლესი განათლების შესახებ“ საქართველოს კანონის მოთხოვნებს და მოიცავს მინიმუმ 240 ECTS კრედიტს ბაკალავრიატის საფეხურზე, მინიმუმ 120 ECTS კრედიტს სამაგისტრო სწავლების საფეხურზე, ქართულ ენაში მომზადების საგანმანათლებლო პროგრამა არის 60 კრედიტიანი.
9. საქართველოს მოქმედი კანონმდებლობის შესაბამისად სწავლის ხანგრძლივობა აკადემიაში ბაკალავრიატის საფეხურზე ძირითადად შეადგენს 4 წელს, მაგისტრატურის საფეხურზე - 2 წელს, ქართულ ენაში მომზადების საგანმანათლებლო პროგრამა - 1 წელს.

მუხლი 3. ბაკალავრიატის / მაგისტრატურის იუნკერის სტატუსის მოპოვება და პირადი საქმის დაკომპლექტება

1. აკადემიის საბაკალავრო საგანმანათლებლო პროგრამებზე ჩასარიცხად კონკურსში მონაწილეობის უფლება აქვთ აბიტურიენტებს, რომლებიც დარეგისტრირდნენ მიმდინარე წლის ერთიანი ეროვნული გამოცდებისათვის, რეგისტრაციისას აირჩიეს აკადემიის

საგანმანათლებლო პროგრამა/პროგრამები და რომლებსაც მიმდინარე წელს არ უსრულდებათ 24 და მეტი წელი;

საბაკალავრო საგანმანათლებლო პროგრამაზე მიღების წინაპირობაა: ერთიან ეროვნულ გამოცდებზე ქართული ენის, ზოგადი უნარების, უცხო ენის და მათემატიკის ჩაბარების შედეგები და ეროვნული თავდაცვის აკადემიის შიდა წესის შესაბამისად შესარჩევი ტურის გავლა (სამედიცინო შემოწმება, ფიზიკური ნორმატივების ჩაბარება და გასაუბრება). აბიტურიენტს ე.თ.ა.-ს იუნკერის სტატუსის მოპოვება შეუძლია აგრეთვე ერთიანი ეროვნული გამოცდების ჩაბარების გარეშე საქართველოს კანონმდებლობით დადგენილი წესით .

ამასთან, საგანმანათლებლო პროგრამებზე სწავლის დაწყებამდე აბიტურიენტები გადიან საწყისი საბრძოლო მომზადების კურსს (BCT).

2. მაგისტრატურის იუნკერის სტატუსის მოპოვების საფუძველია საერთო სამაგისტრო გამოცდების შედეგები, საქართველოს განათლებისა და მეცნიერების მინისტრის გადაწყვეტილება, რომელიც ეხება საერთო სამაგისტრო გამოცდების გავლის გარეშე სწავლის უფლების მქონე მაგისტრანტობის კანდიდატი სტუდენტების ჩარიცხვას; მაგისტრანტობის კანდიდატი აგრეთვე აბარებს შიდა გამოცდებს აკადემიაში. მიღების წინაპირობები დაკონკრეტებულია სამაგისტრო საგანმანათლებლო პროგრამებში.

3. იუნკერთა საგრანტო კონკურსში გრანტის მოსაპოვებლად/გასაუმჯობესებლად მონაწილეობის საკითხს აწესრიგებს „ერთიანი ეროვნული გამოცდების ჩატარების დებულება“;

4. აკადემია აცხადებს საგანმანათლებლო პროგრამის მიერ თითოეული საგამოცდო საგანისათვის მინიჭებულ კოეფიციენტს და ეროვნულ გამოცდა-გავლილი აბიტურიენტები აკადემიის საგანმანათლებლო პროგრამებზე მიიღებიან საგამოცდო საგნებისათვის მინიჭებული კოეფიციენტების მიხედვით სსიპ - განათლების ხარისხის განვითარების ეროვნული ცენტრის (შემდგომში - ცენტრი) მიერ აკადემიისთვის განსაზღვრული იუნკერების რაოდენობის ფარგლებში ამ დებულებით დადგენილი წესით;

5. მაგისტრატურაში და ბაკალავრიატში ჩარიცხვისა და სწავლის პირობები რეგულირდება საქართველოს კანონმდებლობით, საბაკალავრო პროგრამების განხორციელების წესით და სამაგისტრო პროგრამების განხორციელების წესით;

6. ქართულ ენაში მომზადების საგანმანათლებლო პროგრამაზე სწავლის უფლების მოპოვება ხდება ერთიანი ეროვნული გამოცდების მხოლოდ ზოგადი უნარების აზერბაიჯანულენოვანი, აფხაზურენოვანი, ოსურენოვანი და სომხურენოვანი ტესტების შედეგების საფუძველზე. ქართულ ენაში მომზადების პროგრამის მიზანია აკადემიაში ჩარიცხული საქართველოს მოქალაქეების მიერ ქართულ ენაში უნარ-ჩვევებისა და ცოდნის (წერა, კითხვა, მოსმენა, საუბარი) შეძენა იმ დონეზე, რომელიც აუცილებელია ბაკალავრიატის, დიპლომირებული მედიკოსის/სტომატოლოგის საგანმანათლებლო პროგრამით სწავლის გასაგრძელებლად. აღნიშნული საგანმანათლებლო პროგრამის გავლის უფლება აქვთ იმ პირებსაც, რომლებიც ერთიანი ეროვნული გამოცდების გავლის გარეშე ჩაირიცხებიან უმაღლეს საგანმანათლებლო დაწესებულებაში საქართველოს კანონმდებლობით დადგენილი წესით;

7. იუნკერის სტატუსი მოიპოვება აკადემიაში პირის ჩარიცხვით, კონტრაქტის ხელმოწერით, რაც ფორმდება ინდივიდუალური სამართლებრივი აქტით – რექტორის ბრძანებით;

8. მოქმედი კანონმდებლობის საფუძველზე ჩარიცხულმა იუნკერმა კონტრაქტის გასათვორმებლად აკადემიის ადმინისტრაციის ადამიანური რესურსების მართვის განყოფილებაში უნდა წარადგინოს შემდეგი დოკუმენტაცია:

საბაკალავრო საგანმანათლებლო პროგრამის შემთხვევაში:

- განცხადება (ივსება აკადემიის მიმღებ კომისიაში);
- ავტობიოგრაფია (ხელნაწერი, ნაბეჭდი) - 2 ეგზ.
- ზოგადი განათლების მოწმობა (დედანი) ასლი - 2 ეგზ. (არსებობის შემთხვევაში უმაღლესი განათლების დიპლომის (დედანი) ასლი) - 2 ეგზ.
- დაბადების მოწმობის ასლი - 2 ეგზ.
- ქორწინების მოწმობის ასლი - 2 ეგზ.
- ოჯახის წევრების პირადობის მოწმობის ასლები (მშობლები, მეუღლე, შვილები) - 2 ეგზ.
- შვილების დაბადების მოწმობის ასლი - 2 ეგზ;
- ცნობა პენსიის შესახებ - 2 ეგზ;
- ცნობა ნასამართლეობის შესახებ - 2 ეგზ;
- დახასიათება ბოლო საქმიანობის ადგილიდან (სკოლიდან) - 2 ეგზ;
- ცნობა ნარკოლოგიური ცენტრიდან - 2 ეგზ;
- ცნობა ჯანმრთელობის შესახებ (ფორმა N IV-100/ა) - 2 ეგზ;
- პირადობის მოწმობა (დედანი), ასლი - 2 ეგზ;
- ფოტოსურათი 3X4-ზე - 6 ცალი;
- ფოტოსურათის ელექტრონული ვერსია დისკზე ჩანერილი - 1 ც;
- საქალაქო (მუყაოს) - 2 ეგზ.

სამაგისტრო საგანმანათლებლო პროგრამის შემთხვევაში:

- განცხადება (ივსება აკადემიის მიმღებ კომისიაში);
- ავტობიოგრაფია (ხელნაწერი, ნაბეჭდი) - 2 ეგზ.
- ბაკალავრის ხარისხის დამადასტურებელი დიპლომი. (დედანი) ასლი - 2 ეგზ.
- დაბადების მოწმობის ასლი - 2 ეგზ.
- ქორწინების მოწმობის ასლი - 2 ეგზ.
- ოჯახის წევრების პირადობის მოწმობის ასლები (მშობლები, მეუღლე, შვილები) - 2 ეგზ.
- შვილების დაბადების მოწმობის ასლი - 2 ეგზ;
- ცნობა პენსიის შესახებ - 2 ეგზ;
- ცნობა ნასამართლეობის შესახებ - 2 ეგზ;
- დახასიათება ბოლო საქმიანობის ადგილიდან - 2 ეგზ;
- ცნობა ნარკოლოგიური ცენტრიდან - 2 ეგზ;
- ცნობა ჯანმრთელობის შესახებ (ფორმა N IV-100/ა) - 2 ეგზ;
- პირადობის მოწმობა (დედანი), ასლი - 2 ეგზ;
- ფოტოსურათი 3X4-ზე - 6 ცალი;
- ფოტოსურათის ელექტრონული ვერსია დისკზე ჩანერილი - 1 ც;

- საქალაქო (მუყაოს) – 2 ეგზ.
9. აღნიშნული დოკუმენტაციის წარდგენის საფუძველზე კომპლექტდება იუნკერის პირადი საქმე, რომელიც გარდა ზემოთ აღნიშნულისა უნდა შეიცავდეს შემდეგ დოკუმენტაციას:
- გამოცდების ეროვნული ცენტრის მიერ გაცემულ შესაბამის საგანმანათლებლო პროგრამაზე ჩარიცხვის სერთიფიკატს (დედას);
 - აკადემიასა და იუნკერს შორის გაფორმებულ კონტრაქტს;
 - ჩარიცხვის ბრძანების ამონაწერს;
 - იუნკერის სემესტრული რეგისტრაციის, აკადემიის რექტორის ერთიანი ბრძანებიდან ამონაწერს;
 - იუნკერის სასწავლო ბარათს.
10. ბაკალავრიატის/მაგისტრატურის საგანმანათლებლო პროგრამაზე ჩარიცხვა ხორციელდება რექტორის ინდივიდუალური ადმინისტრაციულ-სამართლებრივი აქტით.

მუხლი 4. იუნკერის კონტრაქტი

1. იუნკერი ვალდებულია გააფორმოს კონტრაქტი.
2. კონტრაქტი ფორმდება ორ ეგზემპლარად, ერთი ეგზემპლარი რჩება იუნკერთან, ხოლო მეორე - ბარდება აკადემიის ადმინისტრაციის ადამიანური რესურსების მართვის განყოფილებაში და ინახება იუნკერის პირად საქმეში.
3. კონტრაქტში იუნკერმა უნდა მიუთითოს:
 - პირადი ნომერი;
 - გვარი, სახელი;
 - რეგისტრაციის მისამართი;
 - დაბადების თარიღი;
4. კონტრაქტით სამხედრო სამსახურის თავისებურებებიდან გამომდინარე, საქართველოს კანონმდებლობის შესაბამისად, შესაძლებელია ნაწილობრივ შეიზღუდოს იუნკერის, როგორც სამხედრო მოსამსახურის სამოქალაქო უფლებები და სამსახურის ვადა შეადგენს 6 კალენდარულ წელს და იუნკერად ყოფნის ვადის ჯამს. კონტრაქტის მოქმედება იწყება იუნკერად ჩარიცხვის დღიდან. იუნკერი კონტრაქტის გაფორმების შემდეგ ვალდებულია გაიაროს შესაბამისი საგანმანათლებლო პროგრამით გათვალისწინებული აქტივობები და დააგროვოს შესაბამის საფეხურზე მოთხოვნილ განსაზღვრული კრედიტების რაოდენობა;

მუხლი 5. საგანმანათლებლო პროგრამის არჩევანის გამჭვირვალობა

1. საგანმანათლებლო პროგრამით გათვალისწინებული არჩევანის გამჭვირვალობის მიზნით, პროგრამების დიზაინი მოქნილადაა აგებული, 4 სემესტრი ყველა საბაკალავრო საგანმანათლებლო პროგრამაზე იუნკერი სწავლობს ერთი და იმავე სასწავლო კურსებს, მეხუთე სემესტრიდან იუნკერს შეუძლია აირჩიოს აკადემიაში არსებული სხვადასხვა საგანმანათლებლო პროგრამებიდან ერთ-ერთი;
2. აკადემიაში არსებული საგანმანათლებლო პროგრამები იუნკერს სთავაზობს არჩევით სასწავლო კურსებს;

3. აკადემიაში არსებობს საგანმანათლებლო პროგრამების კატალოგი, რომელიც ატვირთულია აკადემიის ოფიციალურ ვებგვერდზე;
4. სასწავლო წლის დაწყებამდე საგანმანათლებლო პროგრამის ხელმძღვანელთა მიერ ტარდება საინფორმაციო შეხვედრები, სადაც იუნკერები დეტალურად ეცნობიან საგანმანათლებლო პროგრამებს.

მუხლი 6. სასწავლო პროცესის ორგანიზება

1. სასწავლო პროცესი მიმდინარეობს აკადემიური საბჭოს მიერ დამტკიცებული აკადემიური კალენდრის (სასწავლო წლის გეგმა-კალენდარის) მიხედვით.
2. აკადემიური პერსონალი ვალდებულია სწავლება და იუნკერთა მიღწევების შეფასება განახორციელოს სასწავლო კურსის შესაბამისი საგანმანათლებლო პროგრამების სილაბუსებისა და სასწავლო გეგმების, კანონმდებლობით დადგენილი სტანდარტებისა და აკადემიის ხარისხის უზრუნველყოფის სამსახურის რეკომენდაციების შესაბამისად;
3. საგანმანათლებლო პროგრამები და მათში შემავალი სასწავლო კურსები, სილაბუსები იხილება სკოლ(ებ)ის საბჭოს მიერ სკოლის დირექტორის წარდგინებით და ხარისხის უზრუნველყოფის სამსახურთან შეთანხმებით მტკიცდება აკადემიური საბჭოს მიერ;
4. ხარისხის უზრუნველყოფის სამსახური სასწავლო დანესებულებების სასწავლო სამმართველოსთან ერთად ვალდებულია აწარმოოს სწავლებისა და იუნკერთა მიღწევის შეფასების პროცესის მუდმივი მონიტორინგი.

მუხლი 7. სასწავლო პროცესის ფორმა

1. სწავლება წარმართება სწავლება-სწავლის მეთოდის გამოყენებით ,როგორცაა: ლექცია, პრაქტიკული მეცადინეობა, სამუშაო ჯგუფში მუშაობა, ლაბორატორიული სამუშაო, ელექტრონული რესურსით სწავლება, საველე გასვლა და სხვა.
2. თითოეული სასწავლო კურსი, მისი თავისებურებებიდან გამომდინარე, ითვალისწინებს სწავლება-სწავლის მეთოდს და შესაბამის აქტივობებს, რაც დაკონკრეტებულია სასწავლო კურსის სილაბუსებში.
3. სასწავლო კომპონენტი არის ერთსემესტრიანი.

მუხლი 8. იუნკერის მიღწევების შეფასება

1. იუნკერის ცოდნის შეფასება ხდება „უმაღლესი საგანმანათლებლო პროგრამების კრედიტებით გაანგარიშების წესის“ საქართველოს განათლებისა და მეცნიერების მინისტრის 2007 წლის 5 იანვრის №3 ბრძანების და საქართველოს თავდაცვის მინისტრის 2014 წლის 8 სექტემბრის №1259 ბრძანებით დამტკიცებული „საქართველოს თავდაცვის სამინისტროს სამხედრო უმაღლეს საგანმანათლებლო და სამხედრო სასწავლო დანესებულებებში გამოცდების ჩატარებისა და შეფასების ინსტრუქციის“ შესაბამისად;
2. კრედიტის მიღება შესაძლებელია მხოლოდ სილაბუსით გათვალისწინებული სწავლის შედეგების მიღწევის შემდეგ, რაც გამოიხატება ამ მუხლის მე-3 პუნქტის „ა-ე“ ქვეპუნქტით გათვალისწინებული ერთ-ერთი დადებითი შეფასებით.
3. შეფასების სისტემა უშვებს ხუთი სახის დადებით შეფასებას:
ა) (A) ფრიადი – შეფასების 91-100 ქულა; ;

- ბ) (B) ძალიან კარგი – მაქსიმალური შეფასების 81-90 ქულა;
- გ) (C) კარგი – მაქსიმალური შეფასების 71-80 ქულა
- დ) (D) დამაკმაყოფილებელი – მაქსიმალური შეფასების 61-70 ქულა;
- ე) (E) საკმარისი – მაქსიმალური შეფასების 51-60 ქულა ;
4. შეფასების სისტემა უშვებს ორი სახის უარყოფით შეფასებას:
- ა) (FX) ვერ ჩააბარა – მაქსიმალური შეფასების 41-50 ქულა, რაც ნიშნავს, რომ იუნკერს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- ბ) (F) ჩაიჭრა – მაქსიმალური შეფასების 40 ქულა და ნაკლები, რაც ნიშნავს, ჩაიჭრა. იუნკერის სტატუსის შეწყვეტის საკითხს განიხილავს აკადემიური საბჭო.
5. იუნკერს უფლება აქვს, გავიდეს დამატებით გამოცდაზე სასწავლო კურსში - FX-შეფასების მიღების შემთხვევაში დასკვნითი გამოცდის შედეგების გამოცხადებიდან არანაკლებ 5 დღეში; აღნიშნული ვალდებულება არ ვრცელდება სამაგისტრო პროექტის/ნაშრომის, ან სხვა სამეცნიერო პროექტის/ნაშრომის მიმართ. იუნკერის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში.
6. სასწავლო კურსის/მოდულის მაქსიმალური შეფასება 100 ქულის ტოლია.
7. დაუშვებელია იუნკერის მიერ მიღწეული სწავლის შედეგების შეფასების მხოლოდ ერთი ფორმის (შუალედური ან დასკვნითი შეფასება) გამოყენებით. შეფასება ითვალისწინებს:
- ა) შუალედურ შეფასებებს;
- ბ) დასკვნით შეფასებებს.
8. შეფასების თითოეული ფორმა მოიცავს შეფასების კომპონენტს/კომპონენტებს, რომელიც მოიცავს შეფასების მეთოდს/მეთოდებს, ხოლო შეფასების მეთოდი/მეთოდები იზომება შეფასების კრიტერიუმებით.
9. შეფასების კომპონენტები – შეფასების ფორმების ნაწილი, რომელიც განსაზღვრავს სტუდენტის ცოდნის ან/და უნარის ან/და კომპეტენციების შეფასების ხერხს/ხერხებს, რომელიც შეიძლება აერთიანებდეს შეფასების ერთგვაროვან მეთოდებს (ზეპირი/წერიითი გამოცდა, ზეპირი/წერიითი გამოკითხვა, პრაქტიკული/თეორიული სამუშაო და სხვ.);
10. შეფასების მეთოდი – საგანმანათლებლო პროგრამის კომპონენტში განსაზღვრული სწავლის შედეგების მიღწევის შესაფასებლად მოსაყენებელი საშუალება/საშუალებები (ტესტი, ესე/ესეი, დემონსტრირება, პრეზენტაცია, დისკუსია, პრაქტიკული/თეორიული დავალების შესრულება, სამუშაო ჯგუფში მუშაობა, დისკუსიაში მონაწილეობა, და სხვ.);
11. შეფასების კრიტერიუმი არის შეფასების მეთოდის საზომი ერთეული, რითაც დგინდება სწავლის შედეგების მიღწევის დონე.“.

12. შეფასების კომპონენტი, მეთოდი და კრიტერიუმი ადეკვატური უნდა იყოს საგანმანათლებლო პროგრამის კომპონენტით განსაზღვრული და მისაღწევი სწავლის შედეგების შეფასებისთვის.

13. საგანმანათლებლო პროგრამის კომპონენტების სწავლის შედეგების მიღწევის შეფასებასრულდება იმავე სემესტრში, რომელშიც იგი ხორციელდებოდა.

14. სამაგისტრო ნაშრომი ფასდება იმავე ან მომდევნო სემესტრში, რომელშიც სტუდენტი დაასრულებს მასზე მუშაობას. სამაგისტრო ნაშრომი, ფასდება ერთჯერადად (დასკვნითი შეფასებით). შეფასებისას გამოყენებულია შედეგის შეფასებისთვის რელევანტური მეთოდი/მეთოდები და კრიტერიუმები და განერილია სამაგისტრო ნაშრომის ინსტრუქციაში და სილაბუსში.

15. იუნკერის შეფასება რეგულირდება აკადემიის უმაღლესი აკადემიური განათლების საფეხურზე გამოცდების ჩატარებისა და შეფასების ინსტრუქციის შესაბამისად.

16. სასწავლო კურსის 100 ქულიანი შეფასებიდან ქულები გადანაწილებულია შუალედურ (ერთჯერადი ან მრავალჯერადი) და დასკვნით შეფასებებზე

17. საბაკალავრო და ქართული ენაში მომზადების საგანმანათლებლო პროგრამების როგორც შუალედური შეფასებების, ასევე დასკვნითი შეფასებისა მინიმალური კომპეტენციის ზღვარის ხვედრითი წილი განისაზღვრულია 30%-ით.

18. სამაგისტრო პროგრამების სასწავლო კომპონენტებში შუალედური და დასკვნითი შეფასებებისა და შეფასების კომპონენტების მინიმალური კომპეტენციის ზღვარის ხვედრითი წილია 51%. სამაგისტრო ნაშრომის შეფასების მინიმალური კომპეტენციის ზღვარია 45%

19. კონკრეტული სასწავლო კურსის სპეციფიკიდან გამომდინარე, სასწავლო კურსის ხელმძღვანელი უფლებამოსილია სასწავლო კურსის სილაბუსში დაადგინოს მოცემული წესისაგან განსხვავებული მინიმალური კომპეტენციის ხვედრითი წილი. დასკვნითი შეფასების მინიმალური კომპეტენციის ზღვარის ხვედრითი წილი არ უნდა აღემატებოდეს დასკვნითი შეფასების 60%-ს.

მუხლი 9. ბაკალავრიატის/მაგისტრატურის იუნკერის სტატუსის შეჩერება

1. ბაკალავრიატის/მაგისტრატურის იუნკერის სტატუსის შეჩერება ნიშნავს აკადემიასა და იუნკერს შორის კონტრაქტის შესრულებისგან დროებით გათავისუფლებას, იუნკერის სტატუსის შეწყვეტის გარეშე (კანონი სამხედრო ვალდებულებისა და სამხედრო სამსახურის შესახებ, მუხლი მე-10, პუნქტი მე-6, პუნქტი მე-16);

2. ბაკალავრიატის იუნკერის სტატუსის შეჩერების საფუძველია:

ა) ავადმყოფობა;

ბ) უცხო ქვეყანაში, უმაღლეს საგანმანათლებლო დაწესებულებაში სწავლა; გარდა გაცვლითი საგანმანათლებლო პროგრამის ფარგლებში სწავლისა.

გ) ორსულობა, მშობიარობა, ბავშვის მოვლა ან ჯანმრთელობის მდგომარეობის გაუარესება;

3. მაგისტრატურის იუნკერის სტატუსის შეჩერების საფუძველია:

- ა) პირადი განცხადება (მიზეზის მითითების გარეშე);
- ბ) უცხო ქვეყანაში, უმაღლეს საგანმანათლებლო დაწესებულებაში სწავლა, გარდა გაცვლითი საგანმანათლებლო პროგრამის ფარგლებში სწავლისა;
- გ) ორსულობა, მშობიარობა, ბავშვის მოვლა ან ჯანმრთელობის მდგომარეობის გაუარესება;

4. იუნკერის სტატუსის შეჩერებიდან 5 წლის შემდეგ პირს უნცდება იუნკერის სტატუსი, გარდა კანონმდებლობით გათვალისწინებული შემთხვევისა.

5. ბაკალავრიატის/მაგისტრატურის იუნკერის სტატუსშეჩერებული პირი არ განიხილება აკადემიის სტუდენტების საერთო რაოდენობის ფარგლებში. აკადემია უზრუნველყოფს სსიპ – განათლების ხარისხის განვითარების ეროვნული ცენტრის სტუდენტების რეესტრში იუნკერის სტატუსის შეჩერების რეგისტრაციას მათი საერთო რაოდენობის აღრიცხვა-დაზუსტების მიზნით;

6. ბაკალავრიატის/მაგისტრატურის იუნკერის სტატუსის აღდგენა აკადემიაში (იმ დაწესებულებაში, სადაც პირს შეუჩერდა იუნკერის სტატუსი), დასაშვებია იუნკერთა საერთო რაოდენობის ფარგლების გადაჭარბებით. ამ შემთხვევაში სტუდენტების საერთო რაოდენობის ზევით ჩარიცხული პირების რაოდენობა გამოაკლდება მომდევნო სასწავლო წლისათვის აკადემიის მიერ დადგენილ სტუდენტთა მისაღები ადგილების რაოდენობას.

მუხლი 10. ბაკალავრიატის/მაგისტრატურის იუნკერის სტატუსის შეწყვეტა

1. ბაკალავრიატის/მაგისტრატურის იუნკერის სტატუსის შეწყვეტის საფუძველი შეიძლება უკავშირდებოდეს აკადემიის საგანმანათლებლო პროგრამით/პროგრამებით გათვალისწინებული სწავლის შედეგების მიღწევის შეუძლებლობას ან იუნკერის სტატუსთან შეუთავსებელი ქმედების განხორციელებას ან იუნკერთან გაფორმებული კონტრაქტით განსაზღვრული პირობების დარღვევას. (კანონი სამხედრო ვალდებულებისა და სამხედრო სამსახურის შესახებ, მუხლი მე-10, პუნქტი მე-6, პუნქტი მე-16);
2. ბაკალავრიატის იუნკერის სტატუსის შეწყვეტის საფუძველი შეიძლება გახდეს ფიზიკური ტესტის წარუმატებლად გავლა; (კანონი სამხედრო ვალდებულებისა და სამხედრო სამსახურის შესახებ, მუხლი მე-10, პუნქტი მე-6, პუნქტი მე-16, აკადემიის წესდების მე-4 მუხლის I პუნქტის „ბ“ ქვეპუნქტი, შეიარაღებული ძალების განათლებისა და საბრძოლო მომზადების სტრატეგია მე-3 თავის II ნაწილი მსმენელების, იუნკერების გაშვება-გათავისუფლება. მე-2 პუნქტის „დ“ ქვეპუნქტი.); იუნკერის სტატუსის შეწყვეტის საკითხს განიხილავს აკადემიური საბჭო.
3. ბაკალავრიატის/მაგისტრატურის იუნკერის სტატუსის შეწყვეტის შესახებ სამართლებრივი აქტით გათვალისწინებული სამართლებრივი შედეგები დგება აკადემიის რექტორის ინდივიდუალური ადმინისტრაციულ-სამართლებრივი აქტის გამოცემიდან თორმეტი თვის შემდეგ. დროის ამ მონაკვეთში იუნკერის სტატუსი ითვლება შეჩერებულად და იუნკერი უფლებამოსილია ისარგებლოს მობილობის უფლებით, გარდა იმ შემთხვევისა, როდესაც იუნკერის სტატუსის შეწყვეტის

მუხლი 11. მობილობა

1. აკადემიაში მობილობა (სხვა უმაღლესი საგანმანათლებლო დანესებულებიდან გადმოსვლა) აკადემიური უმაღლესი განათლების პირველ საფეხურზე (ბაკალავრიატი) არ ხორციელდება; (კანონი სამხედრო ვალდებულებებისა და სამხედრო სამსახურის შესახებ, მუხლი მე-10, პუნქტი მე-6);¹
2. აკადემიური უმაღლესი განათლების მეორე საფეხურზე (მაგისტრატურა) მობილობა ხორციელდება მოქმედი კანონმდებლობით დადგენილი წესით.

მუხლი 12. შიდა მობილობა

1. შიდა მობილობაში მონაწილეობის უფლება იუნკერს წარმოეშობა უმაღლესი განათლების შესაბამის საფეხურზე სწავლების ორი სემესტრის შემდეგ. სწავლების პერიოდში არ შედის ის დრო, რომლის განმავლობაში პირს შეჩერებული ჰქონდა იუნკერის სტატუსი.
2. აკადემია ადგენს შიდა მობილობის მსურველი იუნკერის მიერ განვლილი საგანმანათლებლო პროგრამის ფარგლებში მიღწეული სწავლის შედეგების სხვა საგანმანათლებლო პროგრამასთან თავსებადობას აკადემიაში სწავლის პერიოდში მიღებული განათლების აღიარების წესის შესაბამისად და იღებს გადაწყვეტილებას შესაბამისი კრედიტების აღიარების შესახებ, რომლის შემდგომაც გამოიყვება ბრძანება იუნკერის შიდა მობილობით გადაყვანის შესახებ;

¹ აკადემიაში მობილობის არ არსებობის ფაქტორები:

1. **საგანმანათლებლო პროგრამის სპეციფიკა.** აკადემიაში მისიიდან გამომდინარე საბაკალავრო/სამაგისტრო პროგრამის დასრულებისას კურსდამთავრებულს ენიჭება აკადემიური კვალიფიკაცია და ოფიცრის წოდება. საბაკალავრო საფეხურზე ოფიცრის კომპეტენციების გამოსამუშავებლად აუცილებელია კომპონენტია დამატებითი პროგრამა "საერთო-საჯარისო მართვა", რომელიც ყველა საბაკალავრო საგანმანათლებლო პროგრამის ფარგლებში ისწავლება და რომლის ყველა სასწავლო კურსის შემადგენელია სავსე გასვლები. მსგავსი ტიპის პროგრამა საქართველოს საგანმანათლებლო სივრცეში არ არსებობს, შესაბამისად, მობილობის შემთხვევაში ყველა კანდიდატს მოუწევს პირველ კურსიდან სწავლის დაწყება მიუხედავად აღიარებული კრედიტებისა. ამასთან, პირველ კურსზე სწავლის დაწყების საფუძველიასანყისი საბრძოლო მომზადება, რომელიც ხორციელდება მობილობის ადმინისტრაციული ვადების პერიოდში. გარდა ამისა, მობილობის შემთხვევაში გადმოსულ სტუდენტებს ვერ ექნებათ გავლილი სავსე გასვლები და სამხედრო სასწავლო კურსები, ისინი ვერ გაივლიან შემდგომ სამხედრო სასწავლო კურსებს და სწორედ ეს გამოიწვევს სემესტრის/სემესტრების დამატების აუცილებლობას.

2. **მობილობის ადმინისტრაციული ვადებისა და აკადემიის აკადემიური კალენდარის ვადების აცილება და საგანმანათლებლო პროგრამების სპეციფიკა:** სასწავლო პროცესის დაწყებამდე საბაკალავრო პროგრამის ყველა იუნკერი ვადის დაწყებით საბრძოლო მომზადებას (5 კვირა). გარდა ამისა, ვინაიდან აკადემიაში მისიიდან გამომდინარე საბაკალავრო/სამაგისტრო პროგრამის დასრულებისას კურსდამთავრებულს ენიჭება აკადემიური კვალიფიკაცია და ოფიცრის წოდება. ოფიცრის კომპეტენციების გამოსამუშავებლად აუცილებელია კომპონენტია კრედიტგარეშე აქტივობები ზაფხულის პერიოდში (სავსე გასვლები) ამის გამო, აკადემიაში სასწავლო პროცესი იწყება ოქტომბრის შუა რიცხვებში, როდესაც მობილობის ადმინისტრაციული ვადები უკვე დასრულებულია.

3. **კონტრაქტის ვადები:** იუნკერის სტატუსის მოპოვების შემდგომ მასთან ფორმდება კონტრაქტი, სადაც განწერილია ვადა, რომელიც შეადგენს 6 კალენდარულ წელს და იუნკერად ყოფნის ჯამს. კრედიტის/სემესტრის დამატება ისახება კონტრაქტის ვადაზე.

4. **დაფინანსება:** აკადემიაში იუნკერის სწავლების საფასური სრულიად ფინანსდება საქართველოს თავდაცვის სამინისტროს მიერ. იუნკერის სწავლისთვის გამოყოფილია განსაზღვრული თანხა, რომელიც დაკავშირებულია სწავლების ვადებთან. კრედიტის/სემესტრის დამატება ისახება თანხის გაზრდაზე.

3. შიდა მობილობის შესახებ რექტორის ბრძანება გამოიცემა სასწავლო პროცესის დაწყებამდე არაუგვიანეს ერთი კვირისა.
4. შიდა მობილობის პროცესის დასრულების შემდეგ აკადემია შიდა მობილობის შედეგებს ორი კვირის ვადაში მიაწოდებს სსიპ განათლების ხარისხის განვითარების ეროვნულ ცენტრს.

მუხლი 13. საგანმანათლებლო პროგრამის შეცვლა ან გაუქმება

1. საგანმანათლებლო პროგრამის შეცვლის ან გაუქმების შესახებ გადაწყვეტილების მიღების შემთხვევაში აკადემია უზრუნველყოფს იუნკერების წინასწარ ინფორმირებას აღნიშნულის შესახებ;
2. აკადემია უფლებამოსილია განიხილოს პროგრამის განხორციელების მიზანშეწონილობის, რენტაბელობის და გაუქმების საკითხი;
3. აკადემიამ შეიძლება მიიღოს გადაწყვეტილება მოდიფიცირების გზით განათლების ერთი და იმავე საფეხურისა და მომიჯნავე მიმართულების /სპეციალობის/ სპეციალიზაციის მოქმედი საგანმანათლებლო პროგრამების გაერთიანების შესახებ. გაერთიანებული (მოდიფიცირებული) საგანმანათლებლო პროგრამა უნდა იძლეოდეს იუნკერების მიერ უკვე მიღებული კრედიტების აღიარების შესაძლებლობას;
4. აკადემიის შესაცვლელი/გასაუქმებელი საგანმანათლებლო პროგრამის იუნკერს უფლება აქვს: სწავლა გააგრძელოს აკადემიაში განათლების იმავე საფეხურის ანალოგიურ ან მომიჯნავე მიმართულების/სპეციალობის/სპეციალიზაციის (მაგისტრატურის შემთხვევაში) სხვა საგანმანათლებლო პროგრამაზე (აკადემიაში ასეთი პროგრამის არსებობის შემთხვევაში), სწავლა განაგრძოს შეცვლილი საგანმანათლებლო პროგრამით.
5. აკადემია საგანმანათლებლო პროგრამის შეცვლის ან გაუქმების შემთხვევაში შეცვლილი/გაუქმებული საბაკალავრო/სამაგისტრო საგანმანათლებლო პროგრამის იუნკერებს გაუწევს კონსულტაციას თუ რომელი საბაკალავრო/სამაგისტრო პროგრამით სწავლის გაგრძელების შემთხვევაში იქნება შესაძლებელი შეცვლილი/გაუქმებული საბაკალავრო/სამაგისტრო პროგრამით მიღებული კრედიტების მაქსიმალური რაოდენობით აღიარება;
6. აკადემიაში შეცვლილი/გაუქმებული საგანმანათლებლო პროგრამის იუნკერების სწავლის გაგრძელების შემთხვევაში აკადემია უზრუნველყოფს თითოეული იუნკერისათვის შესაბამისობების განსაზღვრას გაუქმებული/შეცვლილი საგანმანათლებლო პროგრამის ფარგლებში შესწავლილ სასწავლო კურსებსა და აკადემიის ახალი საგანმანათლებლო პროგრამით გათვალისწინებულ სასწავლო კურსებს შორის. აკადემიამ შესაძლოა მიიღოს გადაწყვეტილება სწავლის გაგრძელების მიზნით იუნკერებისათვის (მათი თანხმობის შემთხვევაში) ინდივიდუალური სასწავლო გეგმის შემუშავების შესახებ, რომელიც უზრუნველყოფს იმ კვალიფიკაციის მინიჭებას, რაც მიენიჭებოდა იმ საგანმანათლებლო პროგრამის დასრულების შემდეგ, რომელზეც განხორციელდა იუნკერის ჩარიცხვა;

მუხლი 14. გარიცხული/ამორიცხული იუნკერის აღდგენის წესით ჩარიცხვა

1. იუნკერის სტატუსშენწყვეტილი იუნკერის აღდგენის წესით ჩარიცხვა აკადემიაში არ ხორციელდება. (კანონი სამხედრო ვალდებულებებისა და სამხედრო სამსახურის შესახებ, მუხლი);

მუხლი 15. უცხო ქვეყნის მოქალაქეებისა და მოქალაქეობის არმქონე პირთა ჩარიცხვა

უცხო ქვეყნის მოქალაქეებისა და მოქალაქეობის არმქონე პირთა ჩარიცხვა აკადემიაში ხორციელდება მოქმედი კანონმდებლობის მიხედვით (საქართველოს კანონი სამხედრო ვალდებულებისა და სამხედრო სამსახურის შესახებ და საქართველოს კანონი უმაღლესი განათლების შესახებ);

მუხლი 16. იუნკერის ენობრივი კომპეტენციის დადგენის წესი.

1. ენობრივი კომპეტენციის დონის დადგენას ექვემდებარება აკადემიის საბაკალავრო პროგრამებზე ჩარიცხული ყველა იუნკერი;
2. ენობრივი კომპეტენციის დონის დადგენის მიზნით აკადემიაში ტარდება შესაბამისი გამოცდა;
3. ენობრივი კომპეტენციის დონე განისაზღვრება საგამოცდო საკითხების ფორმატის, მასში მოცემული შეფასების კრიტერიუმებისა და მინიმალური კომპეტენციის ბლერის საფუძველზე;
4. საგამოცდო მასალის (ტესტის) შერჩევას უზრუნველყოფს ენობრივი მომზადების განყოფილება;
5. საგამოცდო მასალის (ტესტის) დამტკიცებასა და გამოცდის ორგანიზებას უზრუნველყოფს საბაკალავრო სკოლა და სასწავლო სამმართველო;
6. იუნკერები, რომლებიც არ ფლობენ ინგლისურ ენას ვალდებულნი არიან გაიარონ აკადემიის საგანმანათლებლო პროგრამებით გათვალისწინებული ინგლისური ენის ყველა სასწავლო კურსი;
7. იუნკერთა ენობრივი კომპეტენციის დადგენის შედეგად განისაზღვრება 5 დონე: Starter, A1, A2, B1, B2, ხოლო ყალიბდება 4 დონის ჯგუფი: Starter, A1, A2, B1;
8. იუნკერები, რომლებიც ფლობენ ინგლისურ ენას B2 დონეზე, საშუალება აქვთ შეისწავლონ მეორე უცხო ენა (გერმანული ან ფრანგული).

მუხლი 17. კვალიფიკაციის მინიჭება და დიპლომის გაცემა

1. იუნკერის მიერ შესაბამისი საგანმანათლებლო პროგრამით გათვალისწინებული სწავლის შედეგების მიღწევის შემდეგ იუნკერს ენიჭება პროგრამით გათვალისწინებული კვალიფიკაცია და ეძლევა ამ კვალიფიკაციის დამადასტურებელი დიპლომი დანართთან ერთად საქართველოს კანონმდებლობით გათვალისწინებული მოთხოვნების დაცვით. დიპლომი გაიცემა ქართულ და ინგლისურ ენებზე;
2. კვალიფიკაციის მიმნიჭებელი ორგანოა აკადემიის ძირითადი საგანმანათლებლო ერთეულის საბჭო (სკოლ(ებ)ის საბჭო);
3. საგანმანათლებლო პროგრამის დამამთავრებელი სემესტრის დასრულების შემდეგ სკოლის საბჭო შეისწავლის საგანმანათლებლო პროგრამის დამამთავრებელი სემესტრის იუნკერების პირად საქმეებს, საგანმანათლებლო პროგრამის მოთხოვნების

შესრულების და საგანმანათლებლო პროგრამისთვის დადგენილი სავალდებულო კრედიტების მიღების საკითხს და იღებს გადაწყვეტილებას საგანმანათლებლო პროგრამებით გათვალისწინებული კვალიფიკაციების მინიჭების ან მინიჭებაზე უარის თქმის შესახებ;

4. თუ იუნკერმა ვერ შეასრულა საგანმანათლებლო პროგრამის ყველა მოთხოვნა, მას არ აქვს მიღებული საგანმანათლებლო პროგრამით დადგენილი კრედიტების სავალდებულო რაოდენობა, მაშინ სკოლის საბჭო იღებს გადაწყვეტილებას კვალიფიკაციის მინიჭებაზე უარის თქმის შესახებ;

5. თუ იუნკერს, საგანმანათლებლო პროგრამის ყველა მოთხოვნის შესრულებით, მიღებული აქვს საგანმანათლებლო პროგრამით დადგენილი კრედიტების სავალდებულო რაოდენობა, მაშინ საგანმანათლებლო პროგრამა ითვლება დასრულებულად და სკოლის საბჭო იღებს გადაწყვეტილებას "წარჩინებით"/"ჩვეულებრივი" დიპლომის გაცემის შესახებ;

6. სკოლის საბჭოს სხდომის ოქმში აისახება მიღებული გადაწყვეტილება:

ა) კვალიფიკაციის მინიჭების შესახებ (საგანმანათლებლო პროგრამის დასახელების, პროგრამის კურსდამთავრებულთა სახელების და გვარების და მათთვის მინიჭებული კვალიფიკაციისა და დიპლომის ხარისხის ("წარჩინებით"/"ჩვეულებრივი") მითითებით);

ბ) კვალიფიკაციის მინიჭებაზე უარის თქმის შესახებ (საგანმანათლებლო პროგრამის დასახელების, პროგრამის იუნკერების სახელების და გვარების და კვალიფიკაციის მინიჭებაზე უარის თქმის საფუძველის მითითებით);

7. დიპლომის და დიპლომის დანართის გაცემის უზრუნველყოფას ახორციელებს სასწავლო დანესებულებების სასწავლო სამმართველო

მუხლი 18. სწავლების საფასური

1. აკადემიაში იუნკერის სწავლების საფასური სრულიად ფინანსდება საქართველოს თავდაცვის სამინისტროს მიერ.

მუხლი 19. დასკვნითი დებულებები

ამ დოკუმენტში ცვლილებებისა და დამატებების შეტანა ხორციელდება მისი მიღებისათვის დადგენილი წესის შესაბამისად.